

宋

會

要

凶禮
后喪

宋會要
昭懷皇后

徽宗政和三年二月九日崇恩太后劉氏崩十日詔曰
朕嗣承哲宗基緒永惟大恩無以報稱夙夜靡忘崇恩
太后作配元符母儀天下比緣憂疾遽爽和平藥石弗
瘳遽至淪謝友恭之義是用盡傷追往送終禮宜從厚
已降指揮恭酌孝章欽成皇后體例施行如或未稱可
更檢會故事務在優隆以稱朕意又詔崇恩宮太后薨
輟朝五日內二日不視事治喪于外除依開寶皇后故
事同日詔崇恩太后令月九日感疾暴卒於宮中今已
遷于普安禪院治喪伏念友恭之義務全禮制應有合
行禮儀可依欽成皇后及開寶皇后故事參酌中制裁
定取旨同日詔差園陵按行管勾使并都監今來諸處

行移文字內便合稱崇恩太后園陵又詔在京禁音樂
七日在外三日除沿邊訃告到舉哀成服三日而除

二十五日駕幸普安院燒奠 四月一日詔將未五月
二十七日崇恩太后祔葬永泰陵以資政殿大學士提
舉萬壽觀鄧洵武為園陵監護使越州觀察使李璵為
提舉修奉園陵戶部郎中張謬兼權京西路轉運副使
京西路轉運判官吳長吉並應辦園陵事務 二日詔
奉議郎張思永添差充永安軍使應副園陵事候事畢
日罷 閏四月十一日工部侍郎議禮局詳議官于文
粹中請上謚曰昭懷皇后詔恭依議曰臣聞紀實以名
名者實之賓也表行以謚謚者行之述也以載籍之言

參稽前代之制節終追往既有以盡情文之厚制名約
美又將以信悠久之傳是以周家之法禮經存節惠之
文東漢以還后諡有加崇之典所以昭明既往而垂示
無窮至公之道不可易也况夫天挺淑質克配哲廟典
禮異數極于褒崇則俯酌群言仰遵成憲丕揚顯稱其
可後乎恭惟崇恩太后毓粹高閨承芳今族姓系之美
著于氏譜德善之積基于前人澤厚流光慶鍾碩媛粵
自幼歲莊飭令儀姆教是親女工是懋早膺選擇協贊
宮闈位列四妃坐論婦禮惟是悉心匪懈以陪弓黼之
祠故吉夢効祥遂膺熊罷之慶元符之間中宮虛位宰
輔建言坤道承天所以持載萬物后德佐王所以叶修

陰教九廟祭祀之重必有以恭承兩宮晨昏之奉不可
以無助宜諏穀旦遂建長秋哲宗皇帝誠身以御家邦
達孝以承祖考亶稟慈訓敷號治朝遂正椒房升儷宸
極典冊之備祥翟之華足以統齊六宮章明婦順逮夫
紹聖嗣服昭善繼之功篤因心之友於崇寧二禋特頒
詔旨以獻慈之贈既視春宮春秋之義母以子貴於是
褒崇位號仰慰在天之靈改賜宮名以隆敷教之意儀
物恩典光顯榮耀是宜增有永之年以長享安榮之福
而遐齡未究淑命弗融藥石靡瘳遽至淪謝宸衷憫盡
申飭有司備物送終務從優厚日月有期龜筮告吉爰
遵故實以諡易名詔于萬世謹按諡法曰容儀恭美曰

昭應短折曰懷崇恩太后膺此令名按賈云稱僉言惟
穆允協至公狀請諡曰昭懷皇后 五月二十六日葬
于永泰陵群臣奉慰如儀六月十四日神主陞祔于哲
宗廟室 十九日德音應兩京河陽鄭州減死刑釋杖
罪緣園陵科率蠲復賦役應奉行事官量與恩澤 七
月五日中書省言鄧詢武奏昨被命充昭懷皇后園陵
監護使依故例奏差到屬官其逐官應奉一行諸事實
以五使職務分委主管兼夏雨暴至踰程前進夙夜協
力各得整辦委有勞効伏望詳酌比附故例優與推恩
詔並特與轉一官李東表更減一年磨勘 九月十三
日詔昭懷皇后園陵修奉官以下各特轉一官及有止

法人並特轉行內知河南府陵臺令中奉大夫任璋轉
中大夫 十二月十一日禮部奏來年二月九日小祥
乞依欽成皇后故事其日不視事內外禁屠宰仍禁樂
從之 五年正月十日太常寺言二月九日大祥其日
不視事中外禁屠宰乞依小祥故事從之 六月禮部
奏忌辰依故事作大忌從之

宋會要顯恭皇后

徽宗大觀二年九月二十六日皇后王氏崩尚書省言
按章穆皇后故事真宗皇帝服七日百官三日詣道州
府訃到日長更以下與將校三日沿邊州縣皆不舉哀
在京擇日依故事餘從之 二十七日詔百官赴皇儀

殿朝臨十月^上一日百官朝臨 同日命中書侍郎林摠

為大行皇后園陵使尚書禮部侍郎李圖南為禮儀使

尚書兵部侍郎沈錫為儀仗使尚書工部侍郎賈文為

園簿使尚書刑部侍郎馬防為橋道頓遞使知入內內

侍省黃經臣為園陵按行使定州觀察使郭天信副之

知入內內侍省監從熙監修園陵 五日中午省言京

西路見闕轉運使一員及修奉皇后園陵合權置轉運

使一員詔以尚書主客員外郎張徽言為京西路轉運

副使尚書庫部郎中陳師文權京西路轉運使候皇后

園陵畢赴闕 十六日詔翰林學士許光疑撰大行皇

后謚冊文翰林學士葉夢得撰哀冊文中書舍人俞鼎

書謚寶文 同日太史局言大行皇后園陵斬草用十月二十四日斥土用十一月十三日葬用十二月二十七日諸宗室合祔葬者並依大行皇后月日時刻從之十八日太史局言已選定十月二十四日大行皇后園陵封山斬草依例園陵合祭后土差行事官詔就差提舉修大行皇后園陵兼總管知入內內侍省藍從熙行禮 同日京西路轉運司言今來修奉大行皇后園陵會故例知永安縣一員外添差知縣一員同管事詔權添差朝請郎新廣濟河輦運王璠候事畢日罷十一月十九日禮部太常寺言大行皇后十二月十日發引合差攝中書令讀哀冊詔差禮部尚書鄭久中尚書

左僕射蔡京攝太尉上謚冊寶并奏告太廟知樞密院
事張康國攝中書令讀冊門下侍郎何執中讀寶同
日宰臣蔡京等請上謚曰靖和皇后 議曰臣嘗讀詩
周南言王者之風而閟睢以下則獨稱后妃至大雅思
齊之詩曰大妣嗣徽音則百斯男而序云文王之所以
聖蓋感人之道神矣孰得而議所見者后妃之化而已
由后妃以觀焉則文王之聖可知矣夫豈特文王然哉
舜之所以大見于媯汭之嬪禹之所以神見於塗山之
翼則古帝王之功未有不始于內而推之天下者也洪
惟我宋聖神相授真主嗣興天作之合化先閭內帝業
以隆蓋方儷體宸極則儀聲茂實既有以彰於一時及

奄棄椒塗則鴻名徽稱斯有以垂於萬世是用稽于公卿大夫以合天下公議靡敢私也恭維大行皇帝慈惠和徽柔肅恭實故尚書令秦正懿王之後惟時正懿佐命藝祖勲載旗常慶流苗裔是生淑哲出應昌運白龜見夢朱蛇效祉載誕之夕祥光滿室來嬪之初神僧授記禪禱之尊信有符矣故方養德閨門則端莊靜重不妄言笑身衣澣濯靡有厭色逮作配潛邸正位坤儀則功德之盛超今絕古粲然可紀若其祇奉九廟則嚴恭以相祀事致養慈德則思媚以盡婦道謂靡麗之飾傷儉也故服御無珠玉之奉謂私謁之風害德也故外家無干請之私居母儀之貴而能守禮執義懷抑畏之

小心視嬪嬙之衆而能屈已達下無嫉妬之說行然則
后之德可謂至矣屬飛龍之御天而有拱翼聖躬之勤
感占熊之應兆而有誕育元嗣之慶繼生貴主以啟天
支之蕃衍章明陰教以致閭內之雍熙思賢才之為助
所以轉佐聖德擇左右以誨子所以協成義方然則后
之功可謂極矣矧乃雞鳴而起待求衣也齊明盛服侍
盥食也言振經史化聖學也揮毫灑落法宸翰也族既
蕃矣則歲薦必以賢而弗及于庸下家既寵矣則訓弟
必以學而靡容於怠荒至于侍上宴間則裨政化而甚
密為民祈福則捐脂澤而不吝此又徽美昭著中外之
所共仰者也方且崇清靜之化悟真乘之理游心於恬

淡絕意於紛華此又不翫于富貴而超然獨得者也歷
考在昔后妃之賢如大行皇后可謂鮮儷矣聖上感德
大業丕冒海宇廓爾天造淵然神化鼓舞群生莫窺其
奧竊仰大行皇后之懿則主上之所聖可概見其萬一
已夫以所示於行則知存諸心者有不可量之善以所
施於外則知秘于內者有不勝述之迹然則彈竹帛罄
金石有不足以形容者矣若迺漢魏以來史氏所稱身
衣大練裝不務飾無戲弄音樂之好者猶且載美詠歌
流芳簡冊曾何敢望大行皇后之德之美之髣髴哉聖
上敷珩璜之弗御悼寔窅之有期獻情傷軫典禮備舉
乃詔有司揚德善冊丕稱皇哉鑠乎豈不慰明靈而協

衆願哉謹按諡法曰柔德教衆曰靖恭仁鮮言曰靖雍
熙間內曰和閨門有禮曰和恭維大行皇后衆德之所
備大名之所歸神人合契罔不惟稱伏請諡曰靖和皇
后 同日太常寺言大行皇后園陵十二月十日發引
其日皇帝宣德門外行遣典之禮合差下項官詔中書
令一員讀哀冊宜差禮部尚書鄭久中舉冊官二員宜
差著作郎何志同著作佐郎胡伸捧冊官四員宜差太
常寺丞張邦憲宗正寺丞王菲光祿寺許偲衛尉寺丞
趙子樸同日太常寺言將來大行皇后諡冊寶修製成
依近降朝旨擇日讀于靈座前前一日差官告太廟依
故事合差官施行詔太尉一員上諡冊寶并赴太廟奏

告宜差蔡京中書令一員讀冊宜差張康國侍中一員
讀寶宜差何執中昇冊官四員宜差祕書丞蔡修祕書
省著作郎何志同祕書省校書郎葉煥毛友龍昇寶官
四員宜差祕書省校書郎朱承任熙明太常博士姚易
馮恭厚捧冊官二員宜差右司郎中吳亮左司員外郎
唐恪舉寶官二員宜差吏部員外郎林成材司封郎中
鄭知微太常博士一員宜差太常博士張山 十二月
一日太常寺言將來大行皇后十二月十日發引十二
月二十七日午正三刻大葬依故事合差行事官下項
詔太尉一員持節前導梓宮即皇堂及奠謚寶於皇堂
神座之西并監鑒皇堂宜差中書侍郎林攄司徒一員

帥奉梓宮官及所司奉梓宮外大昇輦并引接官即皇
堂自京至陵下行事宜差禮部侍郎李國南司空一員
俟梓宮下大昇輦以中拂梓宮并俟掩皇堂訖復土九
錡宜差戶部侍郎權開封尹李孝稱侍中一員奏大行
皇后升輦車并沿路奏大昇輦進發前去至陵所回奏
翟車進發及沿路至京宜差刑部侍郎馬防禮部侍郎
一員奉謚冊哀冊等按自京至陵下行事宜差工部侍
郎賈安 六日以上靖和皇后謚遣官奏告天地宗廟
社稷宮觀十日靈駕發引帝于宣德門外行遣奠之禮
攝中書令鄭久中讀哀冊 冊文曰維大觀二年歲次
戊子九月戊申朔二十六日癸酉大行皇后崩于坤寧

殿旋殯于皇儀殿西階有司請諡曰靖和越十二月丙子朔二十七日壬寅太史卜吉遷座于永祿陵之域禮也輜車戒塗組旒在列饋奠既終黼筵將徹皇帝軫伉儷之深情追壹闡之懿烈撫輶輅而莫留悼餘哀於永訣迺命辭臣具楊淑哲其詞曰惟天祚宋一德以興自家刑國奕葉相承於顯惟后系隆太原龜靈效符寶孺潛藩乾龍應天風雲聿從屹屹淑塗正于六宮帝臨萬邦靡務不舉誰其相之我有內輔上帝監觀乃錫元子繼生玉姬以燕厥祉紘統是親璋璫是肅以率藻蘋以先種陸慈德居尊時惟東朝左右奉承靡懈風宵下逮嬪嬙以莫不然琴瑟鼓鍾所友惟賢橫恩靡祈私謁靡

感孰玩以娛圖書翰墨至于儉勤尤克自勵大練是師
衣不曳地齊明裕和惟靜以方謹固憂勞惟久以常凡
此衆美世亦鮮備迺獨兼之從容以肆赫赫皇圖景命
日新謂永順承式儀我民星軒忽綸舒景告饗百齡匪
長曾莫容瞬嗚呼哀哉洞戶沈寥音容渺茫方蕃華之
熠燿兮神遠舉而安適委瑤齊而弗處兮一朝閉此幽
堂悲空山之冥冥兮松柏鬱其造天翳重扉之無曉兮
邈修夜之不陽嗚呼哀哉素紗月慘丹旒風道紉五鼓
之將沉兮蕭笳而復咽六驥仰而悲鳴兮洛川愴而不
流瞻姑繇之回環兮儼與鏐之既設喟長秋之間寂兮
寧禕狄之可求嗚呼哀哉動皇情之紆軫羌念昔而感

今諏舊典以斟酌兮，聚情文之既備。暢芬芳於隱冊兮，
蹇弗墜乎徽音。俯金匱兮寵故，在攬篋衣兮念尤深。嗚
呼哀哉，物終必窮兮，大化儵其密移。雖工知無可奈何，
兮曰：適來者時尚平生之髣髴兮，從皇姑以下游。妥岡
原之既固兮，其千萬歲于茲。惟流芳於彤管，永作福于
丕基。嗚呼哀哉。二十日奉安梓宮于永裕陵之下宮。
二十七日掩皇堂。二年正月二日，虞主至自永裕
陵，群臣奉迎奠慰如儀。十日奉神主祔于別廟。十
四日德音應兩京河陽鄭州減死刑，釋杖罪緣國陵科。
率蠲復賦役，應奉行事官量與恩澤。十五日，靜江軍
節度使王薦除檢校司空、河陽三城節度使、中太一宮

使以靖和皇后葬事畢加恩

四年八月三日禮部言

靖和皇后九月大祥依章穆皇后故事不立忌外是日

內外禁樂一日從之

十二月十六日靖和皇后可改

謚惠恭宜依興故疾速施行

政和元年十一月二日

太常寺言惠恭皇后昨九月二十六日大祥係依章穆

皇后故事不立忌大祥後初年是日禁樂以後並依章

穆皇后故事從之

高宗紹興七年五月二十七日詔

吏部尚書孫近等依故事集議易惠恭皇后舊謚六月

一日近等請上謚曰顯恭皇后詔恭依議曰惠恭皇后

稟坤德之至柔配離明之淳耀鍾粹公侯之族發為宮

掖之祥言則有常克奉詩書之訓動而合禮無煩保傅

之嚴用能正位居室作嬪于京綱紀人倫母儀天下躬
行四教以興內朝之治身率六宮而親北郊之蠶服澣
濯之衣崇節儉也有進賢之志念艱難也無險詖無嫉
妬不以燕私之意刑于外也進賢才知勤勞不以外家
之事請于朝也是以奉神靈之統理萬物之宜配至尊
作宗廟主而天下化之乃若猗蘭夢日華渚流虹天祐
下民是生淵聖以三善之德重列聖之光雖逸駕鎗鸞
方周流於八極而深仁厚澤已滲漉于無垠然則推原
內助之風上論繼明之目必有徽號永配宸極臣等謹
按謚法曰嚴欽事上曰恭嚴欽鬼神曰恭夙夜供事曰
恭接下不驕曰恭夫思媚諸姑歸寧父母非嚴欽事上

乎躬視滌溉薦豆孔虔非嚴欽鬼神乎肅環佩之節謹
鷄鳴之戒非夙夜恭事乎有逮下之言盡衆妾之心非
接下不驕乎國家重規沓矩比迹周漢昭憲之謚仰法
於宣祖三后之號並同於章聖至乎宣孝之祔欽仁之
配罔不由斯其意若曰婦無遂事理不專美後順得常
之道也伏請上惠恭皇后尊謚曰顯恭皇后

顯肅皇后 表

全唐文

宋會要 顯仁皇后

三十年二月十四日禮部太常寺言昨來顯仁皇后祔廟畢故事群臣並純吉服得官旨候人使回日令禮部條具取旨檢會明道二年章顯明肅皇后神主祔廟紹興七年顯肅皇后神主祔廟並純吉服今顯仁皇后神主祔廟畢及弔祭使人已回其內外百官並令純吉服詔依令自十五日吉服 二十日宰臣湯思退等率百官上表請 皇帝吉服御殿至是三上表詔依所請先是太常寺言國朝典故景德元年明德皇后太祥皇帝服素紗軟脚幞頭淡黃衫黑銀腰帶至禪除服常服

二年正月十八日朝拜明德皇后櫓宮禮院請皇帝常服乘馬出內門至帷前改淺色淡黃羅襪袍行事訖常服還內詔製素白之服恭親顯仁皇后遺誥以日易月今祔日久皇帝御前之服尚未純吉講求卹典在聖孝固已過期未正彝章實群情之所不忍欲乞遵依遺誥拜表奏請皇帝御殿令有司供吉服如故事既而思退等自十五日率百官上表不允至是三上表始依所請二十二日詔近臣僚三上表請依典故以吉服御殿朕雖允從深准人子之孝未能割情二十四日常服且服淡黃袍紅鞵帶俟暮服易之二十四日皇帝始御垂拱殿

服淡黃袍鞵帶

二十七日禮部太常寺言已得旨

顯

仁皇后神主祔廟畢百官未純吉服民間作樂候百官
純吉服日依舊今未已經祔廟卒哭及百官既純吉服
民間作樂欲乞依舊從之

宋會要明達皇后

徽宗政和三年七月二十二日貴妃劉氏薨諡曰明達
懿文命太常博士李富國撰諡議議八月十八日明
達懿文貴妃劉氏呈御製挽詩五首十九日制曰門
下朕于右其訓克綏厥猷眷懷內助之良申錫厚終之

典宣敷明命播告大庭故明達懿文貴妃劉氏從容以
和洵美且異謹終如始寡笑與言無傷善而有憂動風
夜之心不怛化而達死生性命之理異香經日白氣屬
天分不可踰葬之以禮皇后樂得淑女憂在進賢於憐
其亡悅懌有美謂名數之求進則存歿之無殊親札奏
封祈正名號朕嘉其忘險詖之忌行是用循追冊之舊
章表勸六宮垂訓萬世於戲好是懿德有嘉象服之宜
嗟我懷人共彰彤管之輝往者不可作已神其能尚享
之可追冊為明達皇后 二十八日詔追冊明達皇后
園陵監護官差龍圖閣學士兼侍讀蔡攸製造冊寶造
神主差保靜軍節度觀察留後直齋思殿楊戩撰冊文

官差翰林學士強淵明書寶官差翰林學士承旨白時
中奉冊寶官差少傅太宰兼門下侍郎何執中讀冊官
差樞密院事鄭居中讀寶官差門下侍郎余深奉神主
差太師魯國公蔡京仍差官奏告天地宗廟社稷諸陵
九月十一日太常寺言貴妃劉氏追冊贈明達皇后
詔差官告天地宗廟社稷諸陵奏告昊天上帝皇地祇
太廟別廟太社太稷用九月十五日諸陵用二十日餘
依已降指揮 同日禮部言太史局選定發明達皇后
寶冊證冊 詔用九月二十日 十三日尚書省言勘
會追冊明達皇后撰冊文官已差翰林學士強淵明書
冊寶翰林學士承旨白時中奉冊寶少傅太宰兼門下

侍郎何執中讀冊官知樞密院事鄭居中讀寶官門下
侍郎余深詔追冊文改門下侍郎余深書冊寶改中書
侍郎劉正夫撰冊寶文差翰林學士強淵明讀冊寶差
翰林學士承旨白時中十五日詔明達皇后誼冊奉冊
寶官改差知樞密院事鄭居中追冊讀冊官差尚書左
丞侯蒙讀追冊寶官差尚書右丞薛昂誼冊讀冊官差
資政殿大學士中太一宮使鄧洵武誼冊讀寶官差吏
部尚書張克公奉追冊官差戶部尚書劉炳禮部尚書
鄧久中奉誼冊官差檢校太尉武信軍節度使童貫吏
部侍郎慕容彥達 二十日發冊寶 冊文曰皇帝若
曰在昔先王御于家邦人倫正而王道成德化行而風

俗美實資內助以形四方惟時碩媛輔成予治考求典禮宜有極于褒崇故貴妃劉氏性自天成動由禮義嬪手初載憂勤夙夜懷卷耳輔佐之心篤螽斯衆多之慶別白邪正斥遠姦慝用協贊於予治德孚而衆服言寡而行先卑以自牧不伐不矜靜而得常惟忠惟正明死生之分達性命之理遺形去愛古人之所難胡為不淑奄至淪亡皇后均寤寐之求忘險詖之行親奉懇陳請授外號以訓宮掖朕嘉乃誠心彰乃懿德申錫追冊之典以祈協于臣民今遣太宰兼門下侍郎何執中持節追冊於戲德者天下之德建尊名者古今之通義位以德稱故足以表勸六宮名以禮崇故足以垂訓萬世爾其

敬承休命非獨以永示無窮之聞予亦庶乎委任之賢
復見于今是惟邦之榮懷神其尚鑒茲哉 同日詔太
師魯國公蔡京撰追冊明達皇后記并書 十二月一
日尚書省言勘會京畿開祥兩縣人戶今歲科差應副
明達皇后園陵役使詔免來年合著河防并開河夫役
一次 四年二月二十六日詔將來明達皇后御容于
顯德殿昭賢寺德明殿奉安禮儀使差蔡京都大勾官
差楊戩 四月十三日詔朝散大夫京畿計度轉運副
使趙霆可朝請大夫仍除直祕閣以修奉明達皇后陵
寢應副有勞故也 六月十二日禮部言明達皇后初
周祥西上閣門進名奉慰訖赴昭賢寺神御德明殿燒

香其日前後殿不坐止樂近奉勅明達皇后初周年依
惠恭皇后小祥故事令禮部太常寺條具申請檢會惠
恭皇后小祥特不視事一日西上閣門進名奉慰依小
祥內外禁樂一日乞朝廷速賜指揮詔其日止樂即合
內外禁樂一日十二月二十七日詔修奉明達皇后
園陵官應副有勞可特推恩優等特各與減二年磨勘
次等各特與減一年磨勘內選人令吏部依條施行
五年六月四日太常寺言將來明達皇后二周祥欲依
周祥故事施行從之

宋會要明節皇后

徽宗宣和三年四月二日貴妃劉氏卒八月謚為明節

和文五月十日詔曰朕惟自昔王天下者風化所基必
由內始故正位乎外在假有家而景命維何釐于女士
明節和文貴妃劉氏柔嘉淑謹出自性成飭行卑躬率
履不越惟帝所賚出輔眇躬歷年于茲無險詖之心有
恭儉之標警戒夙夜實聞家邦逮茲淪亡窮數知命奏
訣之語切在斯民中宮思悼賢才傷惻弗已力援舊典
請諡追崇外稽師虞咸揆其素德行儀刑尤所昭顯諡
以尊名禮則未稱載惟正始之道不專為恩于渠氏彝
勉從衆志可追封為明節皇后應于典禮並依明達皇
后故事施行誕告中外咸使聞知 十一日制曰有憂
國愛君之行勩相我家推追往送終之恩率茲常典時

維懿德孚告大庭故明節和文貴妃劉氏淑謹慧雅而
飾之以文機明肅恭而節之以禮在神霄之府號九華
玉真之妃生南極之天實亦文大帝之女嬪于初載式
是六宮振振如螽斯之多莫莫有葛覃之本寤寐思服
至于憂勤夙夜在公莫違寧息進不以諂而以德義不
奉私而奉公儀行莫倫忠言猶在被中宮之鞠育助陰
教之儀行不伐不矜以和以睦展如邦媛可無身後之
餘榮嗟我懷人具有司存之恤典用作爾祉實慰我心
嗚呼禮緣于情豈徇名數之限恩稱其義用昭忠始之
全以承王休以光嬪則往者不作也神其尚克歆哉可
特追冊明節皇后仍令有司擇日備禮冊命主者施行

十二日詔少保太宰王黼持節追冊明節皇后少傅
碩樞密院事鄭居中奉冊寶中書侍郎馮熙載奉證冊
寶門下侍郎白時中撰冊文尚書右丞王安中撰證冊
文 閏五月二十一日尚書省言修建明節皇后陵寢
并改修顯德昭賢寺係書藝局應副本所指擬就用外
路計置未到木植使用元係提舉陝西河東京西路木
植趙子直應副立限一季結絕今未本人已丁母憂竊
慮應辦闕誤詔特與趙子直起復依舊提舉措置催促
陝西河東木植伺候應副畢日罷仍依已降指揮交割
與提刑司八月八日發冊寶于德隆殿十五日神主附
于別廟 四年正月四日詔監司並為應奉明節皇后

園陵等木植有勞可依逐次推恩提舉秦鳳等路常平
湯東野騁一官起復提舉措置陝西河東木植趙子直
特轉行一官河東運副魏伯文轉一官依條回授仍落
副字 七日淮康軍節度使開府儀同三司蔡攸特授
少保易鎮鎮海餘如故以董治明節皇后園陵畢賞
九日詔奉直大夫直秘閣呂滂可中奉大夫朝奉郎蘇
之悌除直秘閣權知濟州並以修奉明節皇后園陵畢
工有勞也 四月二日明節皇后小祥百僚赴德徽殿
行香 五年正月二十六日太常寺言四月二日明節
皇后二周祥檢會明達皇后二周祥明節皇后初周祥
故事其日文武百官詣西上閣門進名奉慰訖赴神御

殿燒香前後殿不坐內外禁樂并禁屠宰一日尚衣局
不進牌子是日作休務假所有將來明節皇后二周祥
日欲依工件故事施行其燒香去處未審係于德祿殿
唯復寶璘殿合取自朝廷指揮詔並依故事施行於寶
璘殿燒香

全唐文

宋會要 憲聖慈烈皇后

慶元三年十一月六日壽聖隆慈備福光佑太皇太后
崩于慈福宮之慈福殿遺詔内外文武百寮等予以菲
薄獲事高廟逮今五紀而餘三逢揖遜之朝七受尊崇
之典繫上天之錫佑與列聖之垂休時方枚寧安餐至
養三宮五殿左右無違壽躋八十有三蓋亦人世罕有
嘉興海內共樂休期彌旬以來偶嬰微疾皇帝問安嘗
藥夙夜疚懷醫禱萬端莫回定數死生夜旦亦理之常
况以考終一無可憾太上皇帝疾未全愈宜於宮中承
重皇帝服齊腰五月喪紀以日易月成服三日聽政行

在文武百僚十三日而除百官入臨並隨地之宜諸道
州府長吏以下三日釋服軍民不用縞素沿邊不得舉
哀釋服之後勿禁勿樂嫁娶應營奉等費並以慈福宮
錢物支給陵寢制度務從儉省毋事煩勞仍依顯仁皇
后故事施行故慈遺誥想宜知悉其日文武百僚常
服帶去金玉飾入詣殿下立班定禮直官引班首出
班前東向立搢笏宣遺誥訖歸位並舉哭一十五音再
拜移班稍東立班首稍前躬身致詞奉慰壽成惠慈皇
太后次奉慰聖安壽仁太上皇帝壽仁太上皇后次奉
慰皇帝皇后歸位各再拜訖退同日禮部太常寺言文
武百僚朝脯臨於宮庭內外再拜訖禮直官引班首詣

香案前橫笏三上香出笏歸位
舉哭一十五音訖再拜訖班退成服以後文武百官臨
三日復更不入臨如值雨或霑濕權免入臨自成服日
大小祥禫朔望百官奉慰并進茗奉慰皇太后太上皇
帝太上皇后皇帝皇后檢會累朝舊制喪服以日易月
在外三日而除行在除陞朝官以上及職事官合赴臨
外諸軍統制統領免入臨就寨掛服其餘將副并部隊
將管隊使臣并散使臣陞朝官以上及將校副指揮使
以上常服哭於本營三日而止其常日朝殿祇應排立
行門禁衛班直將校副指揮御前忠佐俟百官赴臨即
哭於殿門外在外州縣長吏以下成服朝晡臨三日而
除沿邊不用舉哀應士庶婚嫁服除外不禁欲依上件

卷三十三

典故施行從之 七日禮部太常寺言檢照典故成服

日太上皇帝合服布斜巾四脚裙袴冠帽桐木杖腰經

首經直領大袖布襴衫白綾襯衫皇帝已降指揮服齊衰

衰布頭冠幘頭大袖襴衫裙袴腰經白綾襯衫皇太后

太上皇后淑妃内外命婦合服粗布蓋頭長衫裙幘首

經絹襯服皇后合服布蓋頭長衫裙幘絹襯服六宮内

人無幘合服粗布蓋頭長衫裙首經絹襯服内外命婦

合入臨人仍吳興郡王合服布頭冠布斜巾四脚大

袖襴袴腰經桐木杖絹襯服並用文思院製造中書門

下有樞密使副尚書翰林學士節度使金吾上將軍文

武二品以上并齊衰服布頭冠布斜巾四脚大袖襴衫

裙袴腰經桐木杖絹襯服文武五品以上并職事官監
察御史以上內客省宣政昭宣知閤門事及入內都知
押班布頭冠幘頭大袖襴衫袴腰經自餘文武百官三
省樞密院書令使以上及御史臺閤門太常寺引班祇
應人布幘頭襴衫腰經并下臨安府製造軍人百姓等
白衫紙帽婦人素縵不花釵三日止在外諸路監司州
軍縣鎮長吏以下合服布四脚後幘直領襴衫上領腰
經以麻朝哺臨三日而除諸路州縣管內寺觀自關報
到日修建道場三晝夜臨安府并諸路並禁屠宰三日
從之同日禮部太常寺言檢照典禮自成服至釋服日
過朝殿所有簾幕並用鵝素輦輿從物用淺黃色包裹

御前禁衛行門班直親從快行親事官華官等服青皂
或褐衫帶子從之 同日又言檢照典禮禪禪除前慈福
宮內侍官依所定官品服制其餘內侍官遇到宮行禮
合依所定服制遇從駕及出入和寧門合常服黑帶從
之 同日又言百司於以日易月服制之內入局治事
即不合易服從之 同日又言大行太皇太后上僊依
禮例合擇日奏告天地宗廟社稷諸陵從之 同日又
言依故事集百官於尚書省議謚俟謚號下日告廟次
日讀謚冊於靈座前從之 同日詔大行太皇太后陵
寢當遵遺詔務從儉省應營奉養費並以慈福宮錢物
支給免侵有司經常之費諸路監司州府軍監等止進

慰表其餘禮物並令免進仍不得以助修奉攬宮為名
有所貢獻 同日禮部太常寺言太尉昭化軍節度使
提舉佑神觀吳瓌等言恭惟大行太皇太后奄棄宮闈
臣等乞解官持服以終三年之喪詔令禮官討論今檢
會故事欽聖憲肅皇后升遐其二弟服衰服終三年之
喪遂七百日在家設位行禮其掛服月令於當日掛服
時內於權開門外服衰服入赴立班顯仁皇后上僊革
誼等弟姪亦已解官持服今來吳瓌等係姪合依前項
典故施行從之八日禮部太常寺言將來梓宮發引合
用挽詞候降付本寺日差撥挽郎教習施行發引前夕
并沿路合用鑿場及導引鼓吹所有歌詞下所屬修撰

其鼓吹下本寺按習施行從之 同日又言發引日皇帝行啓真祖真遣真禮除總護使及行事侍中等官合赴外欲乞用南班并本宅親屬陪位其百官於城外奉辭畢次赴進各奉慰照得依故事奉辭並服初喪之服所有成服後文武官至行在者不當別造喪服止合公服黑帶陪位從之 同日又言大行太皇太后將來奉上冊寶畢稱憲聖慈烈太皇太后祔廟畢稱憲聖慈烈皇后詔恭依 九日大歛成服行祭奠之禮 其日儀鸞司先設素幄於几筵之東稍前時將至分引行事陪位官易服就位立班定皇帝服素服詣大行太皇太后几筵側素幄即座太史奏時及禮直官太常博士引太常

卿當幄前僦伏跪奏太常卿臣某言請皇帝為大行太
皇太后上僊成服奏訖僦伏興內侍官為皇帝釋素服
易衰服禮直官引讀祝文官詣香案西面北立簾捲太
常卿導皇帝出幄詣几筵側西向褥位立奏請拜哭在
位官皆再拜哭太常卿導皇帝詣香案前三上香跪內
侍進茶酒爵茶三奠酒于茅苴奠爵訖僦伏興奏少立
俟讀祝文官稍前跪讀祝文訖請皇帝哭盡哀在位官
皆哭盡哀請皇帝再拜在位官皆再拜太常卿導皇帝
還褥位再拜在位官皆再拜太常卿導皇帝還幄簾降
太常卿奏禮畢退百官移班稍東進各班首出班致詞
復位再拜奉慰皇太后仍進名再拜奉慰太上皇帝次

進名再拜奉慰太上皇后次進名再拜奉慰皇帝次進
名再拜奉慰皇后訖班退 同日立銘旌高九尺書大
行壽聖隆慈備福光佑太皇太后梓宮 同日立重
同日禮部太常寺言討論典故園陵皇堂神臺下深丈
尺不同上宮合置四神門南門置乳鵲臺石作宮人等
今來係修奉備宮乞比附顯仁皇后禮例施行從之
同日又言將來發引合用大昇輦龍楯係比附紹興二
十九年體例并櫨宮合用十二神等並乞下文思院修
置施行從之 同日詔謚冊寶并沿冊寶法物哀冊并
沿冊法物並下文思院製造 同日詔撰哀冊文并書
哀冊文官差參知政事兼知樞密院事謝深甫撰謚冊

文并書謚冊文官差參知政事何澹書篆寶文官差簽書樞密院事葉翥撰謚議官差中書舍人兼直學士院高文虎 同日詔橫宮按行使副及修奉橋道輟遞使諸司下辟差官吏並照紹熙五年人數並三分減一兩浙轉運司紹興府除見任官合差管幹職事外其辟差官吏亦照紹熙五年人數減半以上餘分並不差 十日禮部太常寺言討論到將來正旦人使到闕垂拱紫宸兩殿陳設并從床衣子乞用黃素其餘朵殿兩廊等處並用紫從之 十一日詔朝請大夫大理少卿趙介假試禮部尚書通義郡開國侯食邑一千戶食實封一百戶賜紫金魚袋差充奉使金國告哀使武節郎閻門

舍人朱龜年假利州觀察使左武衛上將軍德化縣開國伯食邑七百戶副之 繼而禮部國信所言其合行事件並依正旦體例從之 十二日詔辰日不得忌哭

同日禮部太常寺言一橫宮內安設合用黹三尺纁

二尺黹纁至乞下左歲贈玉一段成黹纁贈玉匣一啓

奠祖奠道奠之禮所有侖器合用牙床三張 一將來

掩橫宮畢并神主祔廟依故事合用虞主一神主一大

匱二小匱二腰輿二汲水鐵絡桶二全矮香案二紫羅

全白羅拭巾一長八尺筆硯墨一副青羅巾二各長八尺

行障二紫羅襯藉神主虞主紫羅褥子二浴斛二跌座

二錦褥直几二衣手油絹帕二幅三單匱紅羅夾帕二

卷三

并祔室法物乞下文思院製造從之

十五日殿

櫨行燒香之禮

前一日儀鸞司先設素幄於大行太

皇太后殿櫨方位之東稍前其日祭土時至都大主管

喪事官行祭土之禮以俟太史報時及導奉大行太皇

太后梓宮至殿櫨方位

其合用儀物令都大主管喪事官供應

都大主管

喪事官監視殿櫨訖分引行事陪位官就位立班定皇

帝服衰服詣素幄即座禮直官太常博士引太常卿常

幄前俛伏跪奏太常卿臣某言請皇帝為大行太皇太

后殿櫨行燒香之禮奏訖俛伏興禮直官引讀祝文官

詣香案西面北立簾太常卿導皇帝出幄詣西向褥位

立奏請再拜哭在位官皆再拜哭太常卿導皇帝詣香

案前三上香跪內侍進茶酒酌茶三奠酒于茅苴奠爵
訖俛伏興奏請少立俟讀祝文官稍前跪讀祝文訖皇
帝哭再拜在位官皆哭再拜太常卿導皇帝還幄位再
拜在位官皆再拜太常卿導皇帝還幄簾降太常卿奏
禮畢退百官^移班稍南進名班有出班致詞復位再拜
奉慰皇太后次進名再拜奉慰太上皇帝次進名再拜
奉慰太上皇后次進名再拜奉慰皇帝次進名再拜奉
慰皇后訖班退 同日吏部尚書許及之等言準詔集
議太行太皇太后母儀四朝謚號字數及小園陵名臣
等伏見大行壽聖隆慈備福光佑太皇太后聖德懿範
遭時多艱協濟高宗中興之功翊贊三朝揖遜之盛母

儀四世垂六十年頃者太上遺豫屬意與子決大計廉
幃之間擁佑聖孫嗣登寶位昭宗社無疆之福其與昭
憲皇后啓佑創業之模章獻明肅慈聖光獻宣仁聖烈
欽聖憲廟昭慈聖獻五后垂簾之懿匹休具美足以無
愧臣等集議謚號宜以四字易園陵曰山陵昭示方來
於典禮為當詔恭依 十七日詔將來神主祔廟令兩
浙轉運司臨安府於高宗皇帝室內預先修製祔室施
行 十八日小祥行祭奠之禮 其日儀鸞司先設素
幄於几筵殿之東禮直官引讀祝文宦先詣殿上香案
之西東向立次禮直官太常博士引太常卿詣幄前立
定次御史臺閤門太常寺分引陪位宦北向立班俟皇

帝服期服詣幄即御座簾降禮直官太常博士引太常卿當幄前俛伏跪奏太常卿臣某言請皇帝為大行太皇太后小祥行祭奠之禮奏訖伏興退復位簾捲前導官前導皇帝出幄詣褥位西向立太常卿奏請拜皇帝再拜舉哭在位官皆再拜哭前導官前導皇帝詣香案前奏請上香再上香三上香跪內侍進茶酒奏請皇帝酌茶三奠酒于芳苴奠爵訖俛伏興又奏請皇帝少立俟讀祝文官讀祝文訖奏請皇帝哭盡哀在位官皆哭盡哀奏請拜皇帝再拜在位官皆再拜訖前導官前導皇帝還褥位西向立奏請拜皇帝再拜在位官皆再拜訖前導官前導皇帝還幄簾禮直官太常博士引太常

卿詣幄前俛伏跪奏太常卿臣某言禮畢伏興退百官
移班稍東進各班首出班致詞復位再拜奉慰太上皇
帝次進名再拜奉慰太上皇后次進名再拜奉慰皇帝
次進名再拜奉慰皇后訖班退十九日詔皇堂內梓可
令有司用沙板隨宜修製候將來掩皇堂時先下梓底
板俟進梓宮於梓底板上定正訖然後安下梓身次將
天盤囊網於梓上安設梓宮已有牙脚上用平底可就
修奉櫓宮處製造 二十三日禮部太常寺言大行太
皇太后山陵已差按行使檢照顯仁皇后祔葬永祐陵
典故即不合差覆按從之 十二月一日大祥如小祥
祭奠之禮 三日禪除宰臣京鏜等三上表奏請皇帝

御正殿內批候禪祭畢自八日權御後殿 四日詔自
今後遇旦望一五日車駕詣慈福宮大行太皇太后梓
宮前燒香 五日檢察宮陵所言將來創置大行太皇
太后橫宮其應于合行事理並照諸陵前後已行體例
施行從之 八日禮部太常寺言勘會已降指揮自今
後遇旦望一五日車駕詣慈福宮大行太皇太后梓宮
前燒香今照得數內旦望日宰執文武百僚奉慰今欲
乞每遇初一日十五日除令從駕應奉官從駕詣慈福
宮以俟奉慰立班其沿路逐幕次起居官並免徑赴慈
福宮門外以俟迎駕起居訖如值雨霽次宰執文武百
僚就慈福殿下進各奉慰皇太后太上皇帝太上皇后

皇帝皇后訖退其令從駕應奉官以俟從駕還內合起居官却赴逐幕次以俟駕回從之 同日修奉使司言今來修奉橫宮並依顯仁皇后體例施行所有皇堂石藏省記得顯仁皇后石藏裏明長一丈四尺八寸八分闊一丈三寸深九尺若依此鋪砌竊恐至期安下神殺外棹空分窄狹事屬利害照得高宗皇帝石藏裏明長一丈六尺二寸闊一丈六寸深九尺欲乞依上件丈尺修奉施行從之 九日恭承皇太后聖旨自今後遇旦望日車駕詣慈福宮大行太皇太后梓宮前燒香所有已降一五日指揮更不施行 同日臣僚言今來橫宮修奉并將來梓宮發引並係慈福宮遺餘錢物排辦竊

見紹興府十年之間三經此役今歲薄歛民力不支乞
令監司守臣前期講究嚴革舊弊至如雇募人夫收買
薦屨竹木差雇舟船措置屋宇什物等委自守臣精擇
廉勤官吏責付錢物比舊稍增價直自行收買即時支
給如敢尚循舊例科敷許赴御史臺越訴官吏重寘典
憲更不引用將來德音原減兼照得紹熙五年德音紹
興諸邑第四等以下人戶來年身丁內合納本色并折
帛綿絹放免一年今欲依上件體例於歲前引用將來
畢工赦恩先次除放使民皆霽實惠却於慈福宮元給
降錢內撙節浮費撥還戶部以仰副遺誥卹民之意詔
並從之 十一日詔將來梓宮發引令臨安守臣趙師

昇同橋道頓遞使措置 十二日中大夫試尚書禮部
侍郎兼侍講兼實錄院同修撰楊輔等言照對將來正
月朔太陽交蝕復滿係在辰正二刻後依禮例避殿不
視事減膳百司守職過時乃罷又緣大行太皇太后梓
宮在殯車駕詣慈福宮梓宮前行燒香之禮如宮中之
儀百官立班進名奉慰日分難以依常例廢務欲乞是
日絕早百官守職過時乃罷俟辰正二刻後車駕詣慈
福宮行禮訖次率執率百官入詣慈福殿下再拜訖引
班首升殿詣梓宮香案前指笏三上香訖跪酌茶三奠
酒執笏俛伏興降階復位再拜訖次進名奉慰皇太后
太上皇帝太上皇后皇帝皇后訖退從之 十七日按

行使副錢象祖等言判太史局吳澤等狀按行大行太
皇太后神穴係在永思陵正北偏西祔櫨相視其地土
內黃潤三男旺盛秀氣所聚委是高阜依得昭穆次序
可以安建從之 十九日禮部太常寺言今參酌禮例
條具 一啟櫨發引百僚並服初喪之服 一發引日
總護頓遞使都大主管就幄次朝辭餘並免 一鼓吹
警場挽郎於發引前二日係總護頓遞使同都大主管
官禮部太常寺官就貢院按開並從之 同日又言將
來啟櫨前三日依禮例合差官奏告天地宗廟社稷宮
觀從之 二十二日禮部太常寺言今來靈駕前所立
重乞依典禮俟將來發引日捧擎至櫨宮令太史局選

利方至掩櫓日埋瘞從之 二十八日按行使司言櫓
宮地段分立神園緣永思陵鋪屋窠木等有礙乞行奏
告去拆從之 四年正月三日右丞相京鏜等請上大
行太皇太后謚曰憲聖慈烈皇后謚曰臣聞周家肇造
施祉子孫齊嬀嗣徽貽謀燕翼于時聿未胥宇自許及
岐寶惟太姜艱難經始然而閔母儀於四世擁聖禮於
三朝則莫之聞也漢室重興系隆基統性仁躬儉甄既
振炎于時征伐將兵從消旋洛實惟光烈勤勞叶圖然
而後尊養於九齡衍號榮於七冊則莫之見也維天眷
顧宋德維宋延續天休端瑞坤元於赫景運立憲垂則
再造有家秉惠著慈丕佑累聖功成德盛不能盡宣巍

魏乎煌煌乎弗可及已繫欲爲追遠之志煥貴崇之典
則謚以彰功名以實實誠邦家之景鑠古今之豐規允
屬明時發揚大美天人協契咸在茲歟恭惟大行太皇
太后淑哲而聰文儉恭而仁聖德足以配乾之運明足
以儼日之常言動雍容肅然法度威容端穆鬱有禮儀
昔者神羊告符絳輝貫室灼知帝意垂美皇圖蓋自高
宗規恢復古則啓贊謨斷同義艱難航海之初扈兵失
軌后撰戎服射中數人志就梟擒事克康濟艱難迄靖
內政畢修祇奉慈寧日精寢膳藥皆親餌帶鮮釋衣言
婉計周進賢是勅誠明慮遠贊興惟先願澤大庭全享
曼壽亦粵孝宗禮膺寶祚夙勤保養特著恩仁即決高

皇親傳神器天日之表慈訓所形黃屋非心並安至養
甘旨必奉燕虞必躬芙蓉幸游大安侍宴四歲珥冊歲
介玉卮退處重華密拱長樂事親之篤遠昔所無至于
上皇祇承昇付參定文命光授神孫黃事層闡疊隆顯
號時則有慈福之稱逮我聖上適駿異謨飭御簾帷備
勤擁立曾孫有慶天下以寧時則有光佑之號若乃大
練幹服斥翠賤璣葛覃之儉也選采嬪媛登御掖闈闕
睚之風也開寤淵衷援據前古鷄鳴之戒也閔勞臣下
甄別勛勤卷耳之義也而又研繹詩雅基化二南璿闈
邃深榜以賢志誠誦通鑑陳戒后家琬戚勤趨屬以學
行其恩遠矣游心藻墨耽樂典文寶畫銀鈎儼美堯翰

疑神澹薄咀味道真鳳篆龍編日度僊籍其志崇矣故
輔治南內凡三十年婦順宣明陰教敷化承祀宗廟潔
共策國助篤求才政銷私謁而內治彰優游東朝三十
有五年天貺叢臻人心醴賁養有聖子禪有重孫慶衍
祥流禮明物盛而全福備方當絲萬年之歷來五日之
儀行地無疆鞏宋固極遽興厭世不返乘風漢殿深沉
迴閤含鑑之樂毋沮杳渺空傳飛鶴之迎然而晉用廣
儲豫裁陵役卻藥輟進務全護醫若德與仁亦至矣乎
仰聖上之懷思期恩慈之報稱中禁舉為替之制外度
從易月之宜廼詔司存飭豐恤典煥垂簾而質證即因
山而圖陵有以見維則之繩謹終之厚矣竊觀世有后

德莫如聖朝若章獻明肅則擁佑仁皇同決幾政若慈
聖光獻則援立英宗傳序神廟若宣仁聖烈則決策泰
陵臨朝九載若欽聖獻肅則預立哲后宅勤帝帷若昭
慈聖獻則基命中興載定宗社至於贊堯禪舜以武繼
文戮力一心垂模四世時維太后視前增輝輯懋飭終
之經肇閔易名之義宜鋪張而揚厲俾頌大而光明謹
按謚法聖能法天曰憲通達先知曰聖視民如子曰慈
安民有功曰烈夫叶扶炎正共致泰平苞偃干戈黼黻
禮樂非憲之大歟登贊巽禮申衍孫謀允玩冲虛躬享
康祉非聖之至歟備嘗艱險鞏成至功涵澤深長躋民
仁壽非慈之盛歟基圖有永宗廟再安肅擁重闡本文

百世非烈之偉歟嗚呼道大者莫容管窺德隆者尤難
藻繪伊欲合典文而齊久被金石以宣聲庸建塗山之
勲式昭媯石之造俯欽明命恭獻棐辭闡澤號文受成
廟祐予以昌億祀之慶予以媯在天之靈大行太皇太
后請謚曰憲聖慈烈皇后臣謹議詔恭依 二十日內
出御製挽詩五首 其一曰景命開皇宋純坤祐我家
御天興大澤鍊石有神媯勤儉仍終逸文明並上嘉更
能承聖統慈烈迴光華 其二曰南渡中天業思陵復
古心一時參慮遠五紀泳仁深德冠周任奴功高漢郭
陰艱難前日事無路聽徽音 其三曰躬致東朝禮親
觀孝廟時緇金興府冊奉玉未央庖道大光鴻業謀深

侈燕詒惕思傳授計何以報恩慈 其四日聖父厲虞
禮神孫奉漢闈綠車承愛撫素幄贊傳歸方謹龍樓侍
俄驚鵲馭飛復存長樂注盛德在簾幃 其五曰四世
陰功遠三朝孝養尊自慚膺大統尤篤擁曾孫增謚難
名德為基罔極恩德與攀不得慟哭灑堯門 二十五
日禮部太常寺言將來六虞祭宗正卿行禮畢奉迎虞
主詣慈福宮皇帝親行奉迎安神禮及第七第八第九
虞依禮例係間日行禮并神主祔廟前二日行卒哭祭
今來祔廟用四月十九日其間日虞祭相去日遠欲乞
依故事三日一虞四月二日行安神禮畢五月第七虞
八日第八虞十一日第九虞所有十四日昭慈聖憲皇

后忌十五日車駕行燒香禮十六日章穆皇后忌欲用
十七日行卒哭祭從之 同日禮部太常寺言勅會已
降指揮修製謚冊寶畢選日告廟次日奉上詔奉上謚
冊寶攝太傅輦將至重華宮文武百僚迎駕兩拜起居
記權退歸幕次以俟奉慰立班皇帝至重華宮降輦入
詣禋祭行禮殿側御幄簾降次引進幣爵酒讀祝文酌
酒官執燭等官先陞殿各就位立定次禮直官引禮儀
使陪位宗室使相郡王南班宗室各入就位立定禮直
官太常博士太常卿於幄前立定俟皇帝服禋服訖次
禮直官太常博士引太常卿當幄前俛伏跪奏稱太常
卿臣某言請皇帝為孝宗哲文神武成孝皇帝行禋祭

之禮奏訖俛伏興退復位簾捲前導官前導皇帝出幄詣殿上褥位西向立太常卿奏請拜皇帝再拜在位官皆再拜訖內侍各執盤匱悅巾以進奏請皇帝盥手內侍進盤匱沃水皇帝盥手內侍進巾奏請悅手皇帝悅手內侍進爵沃水奏請皇帝洗爵內侍進巾奏請皇帝拭爵訖前導官前導皇帝詣孝宗哲文神武成孝皇帝神位前褥位立奏請皇帝跪上香再上香三上香進幣爵酒官搢笏跪先進幣次進爵酒人奏請皇帝受幣奠幣執爵三祭酒於茅苴奠爵訖俛伏興奏請皇帝少立讀祝文官搢笏跪讀祝文訖奉請舉哭拜皇帝舉哭再拜在位官皆舉哭再拜拜訖哭止前導官前導皇帝

還褥位西向立奏請拜皇帝再拜在位官皆再拜訖前
導官前導皇帝歸幄簾幕次換吉帶儀衛等換色服腰
帶捧擎謚冊寶入南神門奉上謚寶太傅以下步從詣
殿西階下權置位冊北寶南置定俟告于太廟行禮畢
次捧大行太皇太后謚冊寶出南神門進行太傅已下
後從至齋殿冊寶幄權奉安文武百僚以次退奉上謚
冊寶太傅奉謚冊寶中書令侍中舉冊寶官應冊寶下
祇應人並於太廟冊寶幄之側幕次宿衛奉上大行
太皇太后謚冊寶其日奉上謚冊寶太傅已下常服吉
帶於權安奉大行太皇太后謚冊寶幄前立定次有司
奉謚冊寶出幄儀衛進行太傅已下後從出太廟櫺星

門外有司捧冊寶權歸幄次太傅已下入幕次換黑帶
儀衛等換紫衫黃帶子入幄奉謚冊寶進行太傅已下
上馬騎從至慈福宮門太傅已下步從有司捧冊寶進
行至大行太皇太后靈座殿下東向權置位冊北寶南
置定太傅已下權退歸幕次有司排辦畢備御史臺閣
門太寺分引文武百僚詣殿裏外隨地之宜立次引讀
冊寶中書令侍中詣冊寶之後立舉冊舉寶官又於其
後立奉謚冊寶官於冊寶位稍東南向揖位立太傅於
殿東褥位西向立禮直官揖太傅躬拜在位官皆再拜
訖引太傅升殿詣青案前階笏三上香跪一酌茶三奠
酒執笏俛伏興再拜訖降階復位少立次再引太傅詣

殿下北向稱位俛伏跪奏稱太傅臣某言奉詔謹奉上
大行太皇太后謚冊寶奏訖伏興復位次引奉謚冊寶
官詣冊案前舉冊官播笏跪舉冊匣此舉冊寶皆禮部職掌與
職掌先捧冊案升詣殿上香案前置於稱位次引奉謚
冊官西向立次引太傅詣冊匣之後東向立奉謚冊寶
官播笏以冊授太傅太傅播笏受訖奉謚冊寶官執笏
退復位立次舉冊官舉行太傅捧冊匣升殿至稱位北
向跪奠冊匣於案上太傅執笏興少退於稱位西向立
次舉冊官執笏興少立次引讀冊官升殿詣冊案之後
北向立舉冊官播笏跪舉冊次讀冊官播笏跪讀冊訖
執笏興降階復位立舉冊官奠冊舉冊匣興職掌先捧

冊案於殿上稍東褥位置定舉冊官舉冊匣詣褥位跪
置于案上舉冊官執笏興降復位俟讀冊官讀冊將畢
引奉謚冊寶官詣寶案前北向立次引太傅降階於寶
盞之後東向立次舉寶官指笏跪舉寶盞興職掌先捧
寶案升詣殿上香案前置於褥位次奉謚寶官西向指
笏奉寶盞以授太傅太傅指笏受訖奉謚冊官執笏退
復位立次舉寶官舉行太傅捧寶盞升殿至褥位北向
跪奠寶盞于案上太傅執笏興少退於褥位西向立次
舉寶官執笏興少立次引讀寶官升殿詣寶案之後北
向立舉寶官指笏跪舉寶次讀寶官指笏跪讀寶訖執
笏興降階復位立舉寶官奠寶舉寶盞興職掌先捧寶

案於殿上稍東褥位置定舉寶官舉寶盃詣褥位跪置
於案上舉寶官執笏興降階復位立次引太傅降階復
位西向立定禮直官揖太傅躬拜在位官皆再拜訖如
兩沅潭隨宜於殿裏次太傅以下歸本班進名班首出
外并縣上趨那立班班致詞復位再拜奉慰皇太后次詣壽康宮進名再拜
奉慰太上皇帝次進名再拜奉慰太上皇后次詣文德
殿進名再拜奉慰皇帝次進名再拜奉慰皇帝訖退班
謚冊文 維慶元四年歲次戊午二月己巳朔八日
丙子孝曾孫嗣皇帝臣某謹稽首再拜言曰臣聞生而
得名既極天下之美沒而定謚宜超禮典之常况垂範
于層闈爰勒崇于永世恭惟大行太皇太后延陵開裔

秦中起家善積慶餘祥當如貴神羊紀待康之夢紅光
昭誕聖之符惟我高皇艱難締建靡行不從有事必咨
果應視天之求以翊興王之業柔順麗乎中正逸樂念
夫憂勤脫簪珥而納歲規躬繒練而倡純儉事姑盡孝
故能得其惟心逮下以仁政能均其恩意動容有度而
中所珥之儀出言有章而藹彤史之載游戲翰墨則妙
奪蘭亭之蹟玩味經史則尤精通鑑之書湯沐請還於
縣官私謁不行於宮掖屬外家以講學母使得戚里之
召榜便坐為賢志以自見輔佐之義清淨守老聃之訓
鑒戒存列女之圖豈徒周室之姜任實乃女中之堯舜
二王建邸當璧未分逮帝心之倦勤咨聖德而內禪外

罕聞於大議中獨贊於神謨旋儼極於北宮以怡神於
少廣思陵厭代孝廟執喪將移御於重華復助成於興
予從容所決固已著塗山翼夏之績倉卒而斷抑又有
女媧立極之功頃烈祖之上賓屬聖父之違豫志安社
稷策定簾幃高懷曲徇於慈尊神器克傳於眇質懇辭
雖切擁佑深堅思與天隆孝方日至身享曾孫之養位
居太母之元寶茂而聲愈宏仁高而壽益永將修陽復
之慶忽爽節宣之宜視夜旦以為常卻樂餌而弗御寬
旌來導鵠馭難留痛切三宮悲纏萬宇載惟終始獨備
哀榮正長秋之位則歲浹再旬受長樂之朝則數周三
紀母儀坐閭於四世聖筭宏開於九帙兩霈如天之慶

澤七登饒玉之彌文披載籍則靡聞考皇家而創見信
乎備生人之全福極天下之至美矣顧大德難泯於不
言而遺烈具存於公議參稽故實席越彝章易召聯五
后之芳因山視長陵之制彰一時之保護揭千載之儀
刑謹遣金紫光祿大夫右丞相提舉編修玉牒提舉實
錄院提舉編修國朝會要提舉編修敕令豫章郡開國
公食邑七千一百戶食實封二千四百戶臣京鏜奉冊
寶上尊諡曰憲聖慈烈皇后伏惟儼若明靈膺茲盛禮
齊放勛在天之篤扶炎宋無疆之統謹言 十一日詔
書題神主差吏部尚書兼給事中許及之 同日詔奉
迎虞神并神主附廟禮儀使差右丞相京鏜都大主管

差趙大榮 同日詔將來靈駕發引帥捧梓宮奉升大
昇輦又引梓宮即橫宮攝少保復土九鍾差樞工部尚
書錢象祖

宗會要 請听政御殿

淳熙十四年十月八日皇帝詣德壽宮侍太上皇帝湯藥是日太行太上皇帝升居于德壽宮德壽殿遣誥皇帝喪紀以日易月十二日宰臣王淮等率百僚三上表請皇帝還內聽政不允十四日上令中使宣諭輔臣曰欲不用易月之制實行三年服自不妨聽政十五日宰臣王淮等復上二表請皇帝還內及聽政批荅俟過小祥還內設素幄宰臣奏事十月二十一日皇帝還內十一月五日宰臣王淮等又三上表請皇帝聽政批荅可自十八日內殿引輔臣及上殿班俟過祔廟祓從行請十四日上令中使傳旨欲不用易月之制如晉孝武魏孝文實行三年服自不妨聽政是日未時令輔臣赴德壽宮素幄奏事上服素經嗚咽沈涕王淮等奏蚤來喪服指揮上曰司馬光通鑑所載其詳淮等奏通鑑載晉武雖有此意後來止是宮中深衣練冠上曰當時群臣不能將順其美光所以譏後來武帝竟欲行淮等奏記得亦不能行上曰自我作古何害淮等奏御殿之時人主哀經群臣吉服可乎上曰自有等降淮等奏已今有司討論廢使四方知陛下之聖孝 同日右諫議大夫謝諤等言三日聽政固有遺詔及典禮可稽至若還內典故前所未有乞明詔大臣少緩進

表與禮官更加詳議的典禮之宜從之 十五年四月二十八日宰臣王
淮等奏伏觀已降聖旨緣群臣屢請即殿易服故以布素視事內殿雖有
候過祠廟免從所請之詔然稽諸禮典心實未安行之終制乃為近古臣
等仰體聖孝不敢具奏請惟是侍從史官管軍御帶環列禁衛等皆合
星拱宸極豈容曠日弗朝謹陛下未欲臨正衙坐垂拱自可間御後殿示
詔禮官同閣門御史臺參酌取旨既而權禮部侍郎尤袤等奏檢準國朝
會要嘉祐八年三月二十九日仁廟之喪英宗七月十三日始御紫宸殿
見群臣退御垂拱殿中書樞密以次奏事蓋始御內朝猶未御正衙也今
外用內朝皆未臨御竊詳後殿及延和殿乃祖宗崇政施化之所緣今來
延和地步窄隘難以排立侍從史官管軍御帶環列禁衛等今參酌欲乞
皇帝於後殿視事所有儀制乞下閣門禁衛所條具申尚書省閣門奏事
旨後殿坐起居班次並如慣日儀遇四參日權令侍從官趨起居其御
後殿日分今太史局選日主管禁衛所照日常後殿窠老班直親從共三
百人排立祇應詔裁減一百五十人餘依 紹熙五年七月二十六日宰
臣劉正等上表以皇帝在重華宮大行至尊壽皇聖帝喪次請聽政凡三
上表因請迺允慶元三年十一月六日帝聖降慈幄福祐太皇太后崩

于慈福殿遺詔皇帝成服三日聽政九日釋服十日宰臣京鏜等上表請
還內聽政三表迺允二十一日復請御殿復三上表固請始詔權御後殿
六年六月四日壽仁太上皇后八月八日聖安壽仁太上皇帝開禧三
年五月十六日壽成惠聖慈祐太皇太后崩亦如之六年五月二十一日
為亢為沴避殿減膳宰臣京鏜等上表請御殿復膳再上表迺允嘉定
八年五月亦如之嘉泰元年四月十五日為回祿為災避殿減膳宰臣謝
深甫等上表請御殿復膳三上表迺允嘉定二年七月成肅皇后大祥禮
畢亦如故事

宋會要請樂果

太祖建隆四年六月八日宰臣范質等上言曰伏以三年不言既畢諒闕之制八音未奏宜為達禮之喪陛下目饜陟此之哀尤抱終天之戚易月雖遵於遺誥因心曲盡於孝思今則星紀再周祥禪已闕猶徽在縣之樂尚懷罔極之悲將何以接和人神對越天地望體聖賢之通制俯從中外之群情詔荅不允繼三上表詔曰朕積釁上延禍鍾長累雖軍國之事敢不勉旃而人子之情實惟永感固於雅奏焉忍遽聞卿等援引古今繼陳章表明先王之制禮俾涼德以俯從式徇群情良增深愧所請宜允九月十一日宴廣政殿始作樂開七年正

月二十九日中書門下上言曰王勣唐宸極體絕正暮今聖節將臨壽觴斯獻皇帝陛下以恭懿長公主喪猶在殯哀出常情曲敦同氣之恩尚微在縣之奏雖君父友愛發於自然而臣子祝延何以為禮伏望長春節日特允穀坊奏果詔從之太宗太平興國二年十月十三日宰臣薛居正等上言曰臣聞禮之大在乎順順則酌古今之中君之心本乎仁仁則從億兆之欲質文迭用損益可知敢撫前經式陳公議伏惟皇帝陛下大明毓粹至道在躬宣猷於納麓之辰邁德於飛天之運恢纂舊服發揮永圖恭勤日躋孝友天賦實曆逾稔至懷益臻游豫之娛動而有節擊拊之樂遏而不陳曠三五而

無偕豈蹈詠之能盡群臣庸淺謬竊寵光空仰雲天何
裨萬一然則先王之禮過弗能踰四海之情勤不可奪
伏况易月之制遺詔甚明公除以來庶事相稱獨從輟
樂誠未得宜今者沅虹紀節之初在鑄宣恩之際梯航
之貢並集彤庭華裔之人同承大慶禮容不備盛德何
觀周行之臣實任其責伏望俯迴睿鑒曲采輿詞許容
賜宴之辰特舉在縣之奏詔荅曰朕猥以渺躬嗣守鴻
業顧惟諒照纔及朞周瞻弓劒以未遙履霜露而增感
遏密于下自有三年之期創鉅因心固無一日之樂所
陳章表難遂乃誠凡爾具僚體茲未忍自是三上表固
請始詔允十一月九日宴大明殿始作樂真宗咸平二

年七月二日宰臣張齊等上言曰先王之禮過乎哀有
俯就之文聖人之孝終其制有順變之道況三年之喪
斯畢而九奏之樂未陳敢導群誠冒聞丹宸伏惟皇帝
陛下稟惟睿之德襲重熙之盛元功侔於造化惠澤浸
於生民而自玉几受遺橋山送往雖以日易月法唐漢
之舊規而絕漿泣血過參臯之至性洎勉親庶政銳覽
萬幾宅憂出於常情恭已遵於先訓每孜孜而求理惟
望望以如疑矧懷繼體之難更動因心之感所以丕承
之美掩千古以推高孝治之風率萬方而知化今則炎
涼再易祥禪既除已成達禮之喪猶曷在縣之奏伏望
順考古道俯仰聖懷采義易崇德之言稽載禮祥羣之

義許陳金石允合儀章詔荅曰禍酷上延纂承是重勉
親朝政退守心喪祥禪奄終荼毒如昨卿等共循典故
旅拜囊封冀徇群誠聿陳備衆音惟可尚情所未安自
是五上表宰臣因對懇請方勉從之是月二十三日鎮
寧軍節度使柴禹錫來朝宴于長春殿不作樂時雖許
臣之請尚以禪制甫畢聖情未忍故也八月七日宴群
臣於崇德殿始作樂景德元年三月十五日明德皇太
后崩十月神主祔廟二十一日宰臣畢士安等上言曰
此者既行升祔之儀已釋苴麻之服宗祏烝嘗而是奏
春秋饗宴以為先至於御革輅以省方幸金郊而講武
清廟之笙鏞合奏廣庭之金石在縣時巡則親采聲詩

軍行則振作鼓吹樂之盛也豈徒然哉遠尋漢室之舊
章近取唐朝之故事皆從祔廟之後便陳九奏之音聖
抑至懷洵徇公議詔不允表三上終不許是冬車駕親
征士安等復三上表詔曰卿等叶贊謀猷周爰典故請
陳具樂俾導明駕用壯軍容以從戎事抗封章而三上
因造膝以屢言抑朕至懷徇茲懇請庶協從宜之禮止
賓耀武之威所請宜允仍候還京日其教坊不得更有
按習二年七月二十一日詔舉郊祀之禮二十三日宰
臣畢士安等上言曰先王作樂所以治人心聖人制禮
期於順變今公除已畢嚴祝將陳尚闕雅音實鬱群懇
陛下永懷顧復遇執哀摧外雖釋於直廡中未忘於樂

棘金石徹縣而斯久焉默率舞以何階當戎輅省方聊
振作於鼓吹洎宸輿歸闕復遣密於簫韶昔漢明帝曾
未再春親祀爰陳於廟樂唐高宗始通周歲饗禮設於
宮縣故實備存討論可見伏望俯遵典禮稍抑孝思特
詔奉常裨陳雅奏庶六代之具舉致三神之交歡詔荅
不允繼三上表詔曰朕勉徇輿情審思中道除却天之
庶事資禮樂以相成暫舉簫韶所請宜允俟嚴禋之告
畢守舊制以如初復執心喪用申永感凡諸音樂依前
寢停當體朕懷即斷來表士安等復面奏曰將來誕節
萬方入貢北戎始通和好遣使祝聖苟不舉樂恐禮容
不備况典據盡在望許依故事施行帝曰北使到日當

令在外作樂可也朕將固守心喪以申感慕再三陳述
終不俞其所請八月十四日群臣復再上表請郊禮畢
舉樂如故不許宰臣因對懇激陳述帝曰昨以大禮俾
振作蓋不得已士庶宴樂亦不禁絕朕固守喪制以申
哀慕無煩過請三年六月十八日群臣上表請舉樂詔
荅不允繼三上表固請始從之七月二十四日大宴含
光殿始用樂四年正月十五日中宮召外命婦觀燈以
皇從弟右監門衛將軍德鈞卒罷之八月十四日中書
門下上言伏觀宣徽院告示秋宴不舉樂者伏自長秋
虛位遠日有期詢禮閣之典司考喪服之制度追懷內
治固軫天衷方深愴悼之情宜罷鏗鏘之奏今則已安

神寢爰祔闕宮既稽從吉之文尚過同和之韻然則啓
釣臺之廣宴祝華渚之誕辰四陳來同九賓在列伏望
鑒茲衆懇深詔禮官博考舊章庶遵彛矩詔太常禮院
與崇文院檢討官詳定以聞於是奏議曰按左氏春秋
周景王穆后崩既葬除喪而宴叔向曰宴樂以早非禮
也比蓋未行易月故云太早漢文帝的變禮之宜創易
月之制既已釋服即昏從吉又晉泰始十年武元楊皇
后崩依舊制既葬帝及群臣除喪即吉唐昭德皇后正
元二年十一月丁酉崩三年二月甲申遷座于園陵壬
寅神主祔廟四月戊寅德宗御宣政殿備禮冊太尉李
晟按開元禮臨軒冊三公皇帝出入奏太和之樂受冊

者出入奏舒和之樂此則禮典所載明文可稽伏以莊
穆皇后遷駕寢園祔謁宗廟苴麻已釋檀槐再遷豈可
即吉之宜已行於率土徹樂之戚尚軫於宸心儻九奏
之音不陳則百辟之情可措伏請準故事舉樂十九日
再上表固請詔荅曰卿等以久畢公除備陳典禮在簡
編之所述故事雖存但金石之具揚予心未忍將從勤
請亦貴酌中啓宴饗於高秋暫停雅奏俟冬正之令節
即允乃誠十月二十四日宴群臣於崇德殿始用樂大
中祥符元年六月十二日宰臣王^旦等上言伏自泰國長
公主薨未嘗舉樂竊以恭膺靈貺親近寶文設儀衛之
纂嚴在聲容之備物伏請舉樂如故詔為迎奉天書可

哲舉集二年十一月二十九日晉國大長公主薨十二
月一日詔曰惟姊之親爰均於同氣終天之訣哀切於
深衷屬以誕節屆辰庶邦畢會有司獻議願罷舉縣在
於朕心亦所未忍俾停展禮用表追懷其日群臣上壽
宜令權罷宰臣王旦言在禮天子絕正暮今大長公主
既已成服不當罷會帝曰來年正月惟天慶節洪養天
書令作樂臨軒之礼朕不忍也三年正月五日宴尚書
省五品諸軍都虞候以上契丹使於崇德殿猶不作樂
四年九月一日皇從姪惟叔卒帝問宰臣曰九日榮王
元儼生辰於禮如何王旦曰宮中之會但不樂樂亦於
禮無嫌遂詔元儼如欲置會令別候擇日七年七月先

天節上壽賜宴如儀不舉樂以曹王元偶在殯故也天
禧元年三月太極觀奉冊礼畢百官詣崇德殿称賀時
安王新婦卒疑作樂有妨禮儀院上言大禮慶成百僚
公會安王新婦族居卑幼服止功總王侯絕基周之文
典經有厭降之礼况元天大聖后位號至崇儀範彌重
群臣称賀非以宴私在於舉樂別無妨礙從之仁宗天
聖二年六月三日宰臣王欽若等上言曰禮典從宜俯
而就者戒乎過制喪期有數順於變者務在稱情矧惟
治世之音奉於象德之舉敢訟古誼祇達宸聰恭惟皇
帝陛下睿哲溫恭聰明膺智奉承寶訓紹宅鴻基攀馭
不留深結遺弓之感綴衣如昨儻驚過隙之陰而諒黜

宅憂充窮踰戚及禪安而從吉尚過密以真懷既言乃
謹厥有前訓惟樂之作以宣至和伏望申飭攸司俯從
衆欲並陳鍾石之奏庶格神人之休詔荅曰朕自攝閔
凶勉親几務苴麻之飭方及於禪除荼蓼之懷豈忘於
孺慕卿等處形需續俯述群情願於此時肆舉備樂奉
先追遠誠所未安又詣內東門上表曰樂以崇德蓋極
中和之音禮之達喪用明輕重之節且迄成於禪祭宜
進御於祥琴敢援故常冒昧陳請伏惟皇太后陛下靜
淵凝慮溫懿成猷奉玉几之遺言翼鴻區之大政易月
之制既久屬於公除三年之喪又固執於哀禮伏望順
稽往訓俯抑慈衷申詔工師肆陳金石庶臻順氣之象

永底嘉生之休批荅曰頃遵治命虔輔丕圖指景增懷
號天罔極卿等遽援礼典請御樂章顧禪制之方終悼
仙遊之未遠在庭之奏難徇所陳凡五上表從之初欽
若等屢請帝諭曰今雖勉從俟大宴且用樂色之半其
請遊幸則心所未忍欽若等曰陛下雖孝思過人然先
王制禮不可以踰也八月一日宴群臣于崇德殿始作
樂後帝復宣諭大臣曰昨宴宮中朕數四上勉皇太后
方聽樂欽若等尋以帝詔聞皇太后皇太后曰自先帝
棄天下吾終身不欲聽樂皇帝再三為請其可重違乎
景祐元年正月二十六日宰臣呂夷簡等五上表為請
聽樂不允二年三月七日夷簡等復上表曰禮本制中

聖賢不遁其節柔惟象德人神乃通其和若夫家國異
容古今殊軌或當益而損或應質而文各趨所宜用垂
來法矧報親之義已備則戚典時遷即吉之制有初則
情緣物變必繫大合以殺餘哀恭惟皇帝陛下躬上聖
之姿擁之號嗣守神器光照前人一紀于茲萬方允若
自母闈厭代椒極繼悲陛下孺慕自然孝思周極悼徽
音之永閔銜荼毒以無容泣奉仙輜別啓雲陵之北祔
升虞主大啟閔宮之庭霜露凝懷烝嘗結款雖外臨庶
政而實守通喪至於過密鏗銷簡廢游御訖茲首夏已
涉三朞大祥而御琴終事之彛制行於匹庶尚乃為宜
况帝範呈猷等威理絕成易月從權之文典雖在哀疾

猶當自抑况穀升燧改數紀悉周揆于今則人無辭質
于往則古有懋德同當勉順至變揚鴻徽考金石之音
振羽萬之美蕩滌邪蘊招來太和因以舉誕辰之壽觴
納歡盟之戎賁示惠於在位飾喜於當陽襲既美又善
之文彌不為將壞之嘆此臣等所以總輿議而上于聰
謀者也伏望俯回天慈旁徇人欲俾工師肄業物采旅
儀并烏毀於虞庭震坑谷於軒野納之大順不亦休哉
詔曰夫禮以順變蓋有達喪之期集以布和誠為治世
之本朕紹承丕構務合大中自慈掖升遐永懷罔極隙
駒迅度燧火藉新甫臨祥祭之辰遽覽封章之請教明
大義援據舊經願因饗宴之時將陳金石之奏日月以

易雖勉徇於權宜霜露既濡固彌增於感休未過禫安
之制難從率顯之心繼五上表始從之仍詔俟禫祭後
聽樂八月三日宴紫宸殿初舉樂二年十二月十一日
詔吳丹使還出京畿聽用樂先是十一月四日章惠皇
太后上仙詔禁京城樂百日至是在殯故也慶曆三年
正月五日宴吳丹使先是以鄆王喪服既除下太常禮
院議而言天子絕朞今鄆王雖有爵命而不為殯皇帝
為制服已除於禮當作樂從之既宴罷同知太常禮院
陸經復論奏以鄆王為無服之殯宴在以日易月之內
不宜舉樂帝以經前後反覆又援臣庶之禮非是乃落
職監汝州酒稅四年三月三日以燕王在殯罷上已諸

苑賜宴四月十一日契丹使來賀乾元節以翌日燕王
薨罷喪拱殿宴五年三月四日以楚國太夫人在殯罷
春宴皇祐三年三月十五日中書門下上言自魏國大
長公主感晦明之疾馳醫祝之勤特紆法駕之尊躬展
家人之禮泣然流涕親為舐腫秦臺終迫於上賓必水
俄嗟於東逝訃聞屢悼往臨盡哀五日廢朝頻却太官
之膳千秋適節預停韶樂之音申遣近璫諭宣冲旨尋
禮官之獻議原主黨以裁情已除切慘之喪得承吉祭
之事既立文而有素於用樂以無嫌况復華渚戒祥寶
鄰馳慶相趨萬玉之會大設九賓之朝重譯所通遠方
皆至伏望勉遵盛典稍抑聖懷收既往之盡傷順無疆

之祝續沛然遷慮許一奏於咸英鏗爾發音用參和於
夷夏臣等不勝至願詔曰故齊國獻穆大長公主先帝
先帝同躋為朕諸姑宗黨所嚴尊親莫貳奄捐外館增
悼予衷為誕節之邇期有林觴之要制俾毋舉樂用以
稱情乃援降服之文請御在庭之奏義之所厚情固難
勝再表固請乃從之猶詔輟契丹使見日作樂英宗治
平二年六月三日宰臣韓琦等上言曰禮立制以緣情
以終祥禪之變梁象功而飭喜宜颺金石之聲敢援經
典之常兼述祖宗之憲冒聞淵聽罄述群心恭惟皇帝
陛下潛哲在躬欽明稽古撫五辰而居正凝百度而執
中爰自軒鼎成仙堯塙興慕慶改槐檀之候濟驚霜露

之濡至性天成內充窮而銜恤小心日慎外信默以宅
憂奄盡達喪之期尚稽當食之舉且復常貴乎弗過既
除曷密之哀將廢戒於不為庶集翕純之盛伏望曲循
往訓俯抑聖情列韶奏以在庭命夢工而率職將使郊
邱廟祐之祭親奉於神歡會朝饗宴之容參舉於賓禮
詔荅曰三年之喪二十七月而畢則外之至痛之飾於
是乎始去矣然內之哀隱惻怛之懷其可以遽忘乎故
於金石絲竹之音千戚羽旄之容以奉乎宴私者朕心
之所未忍也繼五上表固請乃從之神宗熙寧二年四
月一日宰臣富弼等上言曰三年之喪既變除於祥禫
六樂之奏將底協於人神儻稽禮節之經曷建中和之

極冒塵淵聰罄叙愚衷恭惟皇帝陛下迪罔極之純心
垂無窮之洪覆涵養廢物相助三靈之功潤飾五常光
大累朝之業是宜振動金石流被甓經風化多方鼓舞
群品俾聖神休德發見乎耳目之間乾坤太和通融於
志氣之內然自攀號軒鼎久纏龍去之悲遇密舜簫曠
絕鳳儀之瑞茲實朝廷之政不勝臣子之情望抑厭孝
思講求古制敕后夔而庀職詔神瞽以考聲凡在有生
罔不同樂詔荅曰三年之喪先王稱情而立制雖粗衰
之服以時而除而愴慕之懷豈能遽已至於嗚管磬振
羽萬所以持平而飾喜者雖欲強勉盖未能也繼五上
表乃從之五月六日宴紫宸殿始作樂元豐四年十二

月二十三日宰臣王珪等上表曰喪以外除既畢三年之制恩繇義斷當陳九奏之音敢率替言冒聞聰聽竊以禮云順變事貴從宜示民有終粵禪安而即吉從月而樂將日舉以遵和制自先王施諸後世成規不易故實具存伏惟皇帝陛下憲道於天施仁自己言貴稽古動皆合經方太母之升遐以神孫而服重易月之制雖勉徇於外朝茹荼之悲自真行於中禁孝刑形海宇誼動神靈燧火荐更編織易御是新觀聽當復故常伏望深詔有司俯遵典戒戒工師而率職齊利萬以俟期當堯曆之肇新近舜韶而盡善上崇德美迓協氣於三靈下飾宴慈格歡心於萬國詔荅曰朕欲於慈聖光獻皇

后仲三年之喪以致隆極報雖竭情盡義猶未足以稱
思慕之至也今禪祭初徹餘哀未忘而群公卿士乃詣
門上表遽以聲樂為請則豈曰達朕志哉所請宜不允
自是五上表乃從之哲宗元祐二年六月一日太師文
彥博宰相臣率百官詣東上閣門上表言仰惟至性已達
終喪祥琴何有於嬾人事於是乎盡遵歷代之成憲採
一時之瞽言申教有司發揚雅奏天下幸甚三日宰臣
率百官詣東上閣門聽批荅不允自是五上表始從之
二十二日詔近臣文武百僚累表聽樂雖是降旨勉從
所請而有司引故事欲開樂宴于禁中福寧殿次紫宸
廨者早災責躬省過今天意始有消伏而又神宗皇帝

禪除未遠何可遽特開樂為宴宜行寢罷其用樂候遼
國人使到闕日依例元符三年正月十二日哲宗皇帝
崩建中靖國元年正月十三日欽聖獻肅皇后崩崇寧
二年四月八日群臣五上表請舉樂至是從之三月十
九日詔太常寺議三年服制稱易月公除聽樂自不妨
一節顯屬不當少卿曾敏孫傑博士吳綱王允中黃中
鄭居中各降一官內曾敏與小郡大觀二年九月二十
六日皇后王氏崩三年正月十日神主祔廟三月三十
日宰臣蔡京等上表請舉樂詔曰蔡京等省所上表伏
望遵景德之詔音禮旧義起御鈞天之法部樂與民同
事具悉昔我懿后来嬪潛藩發祥震維正位坤極壽不

劉德文以稱情姑輟雅音有懷疇昔覽群公之奏牘援
本朝之舊章禮不敢通義當從請宜允高宗紹興十二
年十月六日權禮部侍郎施垌等言謹按禮經舊樂出
於荒政蓋古人一時以示貶損之意雖經大故亦未有
過三年不為者也昨來內外臣庶暫止用樂蓋以徽考
梓宮未還太母在遠權宜禁用徽考顯肅服制既踰三
年梓宮攢奉並畢而太母已就慈寧之養其時節上壽
理宜用樂而乃尚仍過客之禁於禮誠有未安欲望自
十月七日以後應中外官司臣庶並許用樂悉如舊制
詔官司自二十五日臣庶自初八日為始淳熙十六年
十一月二十五日禮部太常寺言國朝典故從吉日宰

執率文武百僚拜表請舉樂降詔允日遇宴作樂國朝
典故祔廟畢民庶開樂昨降指揮高宗皇帝祔廟畢民
閭合候百官純吉服日方許開樂今來宰執并百僚自
二月二日並已純吉服恭親至尊壽皇聖帝躬行三年
之喪係於十二月十七日行禪祭禮至二十日禪除皇
帝亦未舉樂即與國朝典故不同民庶開樂比廟典故
及近降候百官純吉服指揮已合施行今指定乞十二
月十七日禪祭行禮畢自十二月十八日民庶開樂外
今來已降指揮來年正月一日奉上尊號冊寶合設宮
架樂并合用導引鼓吹若依典故係從吉後拜表請舉
樂從之於是三上表迺表曰春秋重改元法蓋先於

五始君子不為樂古無越於三年請為王言異同民樂
恭惟皇帝陛下系隆列聖娛侍三宮綿宇屬心既極謳
歌之戴重華盡孝尚承昌密之餘顧烈祖之報厚莫重
焉然文孫之制期已久矣况復高廟即矣於神御壽皇
俯御於祥琴下逮鄙人悉除樂禁新王春而建號建寶
冊以歸尊願飾攸司各揚乃職錯入音而應律肅萬舞
以充庭仰奉重親益厚慈顏之喜下孚眾聽普臻和氣
之祥翌日批荅曰朕仰奉慈謀丕揚聖孝專惟備道務
必守於禮經爰在續圖敢遽呈於樂顧中心之祇惕勞
列辟之懇祈今將發大冊以尊親會新元而薦異陳和
奏用舉上儀三載四海之過音固無踰於吉制六律五

聲之在治當俯順於群情所請宜允